

Persisi minta Persilat pilih j-latih ahli2nya

PERSEKUTUAN Silat Singapura (Persisi) akan mendapatkan bantuan **Persatuan Silat Antarabangsa (Persilat)** untuk menamakan seorang jurulatih luar melatih para anggotanya. **13 MAR 1985**

Jawatankuasa Persisi akan menghadiri Sidang Umum Persilat yang dijadualkan berlangsung dari 3 hingga 7 April depan bagi membentangkan hal ini.

Khidmat jurulatih itu diperlukan untuk memastikan kesediaan para pesilat Persisi mengambil bahagian dalam Pertandingan Silat Antarabangsa yang dijangka diadakan di Jerman Barat atau Austria dalam 1986.

PENCAK - SILAT
Di samping itu, kata Setiausaha Agung Persisi, Encik Johari H.M. Uriff: "Jurulatih itu kami pertu- kan juga sebagai persiapan lawatan kami ke Amsterdam, Belanda dalam Oktober tahun ini."

Undangan

Persisi, katanya, ingin agar pilihan jurusilat itu dibuat oleh Persilat, selaku badan induknya.

Dalam sidang umum itu kelak, selain membincangkan rombakan perlembagaan, pelicinan kerja-kerja perlembagaan dan urusan buku pesilat, akan dibentangkan juga penamaan pelatih untuk kerabat Persilat.

Kini Persisi sedang berusaha mengumpul dana bagi lawatan ke

Belanda dan Pertandingan Silat Antarabangsa itu.

"Selain ekspo dan derma, kami terpaksa membayar sendiri ongkos pemergian 10 orang anggota kami ke Belanda," kata Encik Johari,

Lawatan ke Belanda itu ialah atas undangan Persatuan Pencak Silat Belanda, sebuah badan silat yang aktif dan mempunyai jurulatih dari Indonesia yang telah bermastautin di sana.

"Lawatan ini sebagai suatu usaha rintisan untuk mengenalkan seni silat kita di Eropah.

"Kami juga telah mengirinkan pita video tentang perkembangan seni silat di Singapura ke Belanda, Jerman Barat dan Perancis," terang Encik Johari.